

# Konvoi amal UniSZA laksana misi di Patani

KOSMO - 15 MAC 2016



## KONVOI AMAL.

Sebanyak 220 warga Universiti Sultan Zainal Abidin (UniSZA) dan anggota Bikers Malaysia telah menyertai program Konvoi Amal Patani ke Wilayah Patani, Selatan Thailand baru-baru ini.

Pengarah program tersebut, Prof.Dr. Mohd. Afandi Salleh berkata, program yang berlangsung selama tiga hari itu diadakan bagi menjalankan misi kemanusiaan kepada penduduk di sana.

"Objektif utama program ini adalah untuk membina jalinan silaturahim serta menubuhkan kerjasama antarabangsa antara UniSZA dan University of Fatoni,



Thailand. "Selain itu, pelajar UniSZA turut mengadakan aktiviti sukaneka dan pemeriksaan kesihatan untuk masyarakat

kampung di sana," katanya.

Menurut Mohd. Afandi, sebanyak 70 peserta Bikers Malaysia yang turut menyertai program tersebut telah melakukan gotong-royong di kawasan perkampungan Yala, Thailand sebagai salah satu aktiviti kebajikan.

Konvoi amal itu telah mendapat sokongan Kementerian Pengajian Tinggi Malaysia serta dikenali sebagai program dwitahunan UniSZA.

**PESERTA** Konvoi Amal Patani bergambar kenangan selepas menjalankan aktiviti kemanusiaan di University of Fatoni dan perkampungan Yala di Selatan Thailand baru-baru ini.